

# ვათაშვი

№ 17

-სადაბური

ყოველ-კვირული იუმორ. ჟურნალი.

ინდოური

ეპიკი



\*) შეიძლება ეს სიტყვა „ინდოელათაც“ ეთარგმნოს, მაგრამ ამ შემთხვევაში ვერც სჯობდა.

# ემმაკის ინტერვიუ.

## შემწვარ ბატკანთან.

ვიცი, გეუცხოებათ შემწვარი ბატკნის ლაპარაკი, მაგრამ გარწმუნებთ, დიდი მკვერმეტყველობა არც ცოცხალ ბატკანს ეხერხება ხოლო თავისი გარეგნული გამომეტყველებით შემწვარი უმეტეს შთაბეჭდილებას ახდენს ვიდრე ცოცხალი და შგრძნობიარე.

ბოქალუ ტყავაძეს მთლიანათ შეეწვა ფურნეში სააღდგომოთ ოსი სტრატეგიისაგან ძღვენათ მორთმეული ბატკანი, ფეხ მოკეციოთ ფართე ფარფორის ხონჩაზე დაეწვინა, ხოლო საწყლათ დაღრქენილ კბილებში მწვანილეულობა ჩაეკუმშა და წითელი კვერცხი ჩაედო.

— საცოდავო არსებავ! მივმართე მე ბატკანს. — ნეტავ რასა გრძნობ ახლა, ამ ძვირფასად მორთულ სუფრაზე? სად არის დედა შენი, მამა-შენი? სად არიან შენი ძმები, შენი დები?

მოხდა სასწაული! ჩამხმარი და ჩაბნელებული თვალეი ბატკნისა დასველდენ, სიციხის შუქით და სიყვარულის ღიმილით გაბრწყინდენ. მან, თითქოს მოატრიალა თვალის კაკლებიო, გადმოხედა და მიპასუხა:

— განა არ იცი, ბოროტო ადამიანო, განა არ იცი, რომ კიდევ მეკითხები?

მე დავამწვიდე საბრალო. ტანჯვის ცეცხლით დამწვარი არსება, ამოვადერე დიასახლისის მიერ გვერდში ჩარქობილი ვერცხლის ჩანგალი და მივესაყვარლე.

- სადაური ხარ, პატარავ?
- ზემო ქართლიდან.
- მერმე აქ როგორ გაჩნდი?
- აქ ერთი კვირა რაც ჩამომიყვანეს.
- ვინ ჩამოგიყვანა?

— ვილაც თოფიანმა კაცმა. ის ჩვენი მეფეა. სოფელში რაც უნდა იმას შობა.

— შენ განა იმისას ცხოვრობდი?

— არა, გენაცვალე! ჩემი პატრონი თედორე გლეხია. ჩემი ძმები რამდენი ხანია მოიტაცეს თოფიანმა კაცებმა! დედა-ჩემი ვილაც გრძელ-წვერა კაცმა წაიყვანა. მეც ბევრი ვიტირე, თედორეს შვილებმაც, დედა-ჩემმაც, მაგრამ იმასთან არაფერი გავიდა. „განა რომელ კანონში სწერია მე თქვენ მუქთად გილოცოთო“, ყვიროდა ის საშიშარი კაცი. გადაიღო ცხენზე და წაიყვანა. მას შემდეგ დავრჩი მარტოდ, რადგან მამა არა მყოლია, არც მინახავს და არც მახსოვს.

— როგორღა გადარჩი ასეთ ობლობას და ამდენ ტანჯვას, ბეჩავო?

— აცოცხლოს ღმერთმა თედორეს ოჯახობა! პატარა იმისი ბიჭები თავს შევლებოდენ. განუშორებლივ ჩემთან იყვენ: მაქმევედენ, მასმევედენ, მა-

რილს მალაკებდენ, მწვანე ბაღასს მიზიდავდენ. ობლობას თითქოს ველარც კი ვგრძნობდი! აი სწორეთ ამ დროს მოგვიხდა ის თოფიანი კაცი. თედორეს დაემუქრა: „გინდ ეგ ბატკანი გამატანე ქალაქში, გინდ შენ თითონ წაგიყვანო. მე იმან კატორლას გადამარჩინა და ნუ თუ სააღდგომოთ ერთი თუმნის ძღვენი არ მივირთვავო“.

— ჰე!

— ბავშვებმა ტირილიც დაიწყეს, მაგრამ თურმე სხვა გზა არ იყო. ოჰ, რა კვირილი ხალხია პატარა კაცები! ნეტავ რისთვის კარგავენ სიბრაულეს, როცა იზრდებიან და ვაჟკაცდებიან! მე იმათი აღერსი არასოდეს არ დამაიწყებდა! ჩამსვეს ხურჯინში, თავი ზევით ამომაყოფინეს და წამიყვანეს, თითონაც არ ვიცოდი სადა და რისთვის.

— საცოდავი!..

— უწინ აქაც კარგათ დამიხვდენ პატარა ბიჭებმა და გოგომ ათას ფრად შემღებეს, მწვანე ბაღასს უხვათ მძღვედენ, ხშირათ რუსულ ლაპარაკსაც კი მასწავლიდენ. კისერზე წითელი ლენტე გამიკეთეს, პატარა ხარა ჩამომკიდეს. გუშინ წინ საპნით ტანიც კი დამბანეს. თითონ მე მივიკრდა ჩემი აბრეშუმივით წმინდა და ხეტუქი თმების სისუფთავ-სილამაზე.

მე თვალებზე ცრემლი მომადგა. მაგრამ თავს ვიჭერდი, რადგან სხვა ჩემი თანამოტრაპეზენი ხშირათ მიქვრეტდენ და მრცხვენოდა იმათი დაცინვისა. სუფრაზე მოტანილი სანოვაგე თოვლივითა ჰქრებოდა და ოციოდ გამშაგებული თვალი, მსუნაგი გამომეტყველებით, მისჩერებოდა გვერდ შეწითლებულ ბატკანს, ჩემს მოსაუბრეს. ის კი განაგრძობდა:

— გუშინ წინ, ბავშვები აღრე დაძინეს. მეც იმათ ოთახიდან გამომიყვანეს და საშხარეულოს კუთხეში დამაბეს. გული საშინლათ მიცემდა, რაღაც საშინელებას მოველოდი და აი ღამის თორმეტი საათი იქნებოდა, როცა ჩემი აქ მომიყვანი, თოფიანი კაცი დამადგა თავს.


საბრალო ბატკანს ხმა ჩაუწყდა, თვალეი მიეზინდა, ტანმა კანკალი დაუწყყო და მცირე ხნით სიჩუმე ჩამოვარდა.

— უცებ დამტაცა ბანჯგვლიანი ხელეი, ეზოში წიწილასავით გამომიტაცა, მუხლებში გამომიმწყვდია, კისერი მდლდა გადამიწია და აღმასივით მახვილი დანა..

— აბა ყმაწვილებო, ახლა ბატკანი მიირთვით! რიხიანის ხმითა ღმდილარი მასპინძლური თავმოწონებით გადასძახა სუფრაზე მსხდომთ ბოქალუმა ტყავაძემ — ეს უბრალო არ გეგონოთ, თუშურია, ნამდვილი თუშური! ვერ წარჩოიდგენთ რა რიგ გააძვირეს სანოვაგე ამ სოფლის ჩარჩ-ბაცაცებმა! უბრალო ბატკანი, ორი ლუკმა ძლივს გამოვა, ოთხი მანეთი ფული დამიჯდა!

იმან, გამოკლილი ხელით, თამამათ დაუსვა დანა და ორიოდ წამის განმავლობაში ჩემი ტანჯული მოსაუბრისაგან მხოლოდ მწარე მოგონებაღა დარჩა.

ეშმაკი.



### ნაწყვეტები

შენ მხეს ეტრფოდი,  
სთხოვდი სხივებსა,  
მკერდს მიუშვერდი,  
განაცხევებსა.  
მხეს შეებრალე:  
სხივნი გაფრქვია,  
აღერსით ყელზე  
შემოგეხვია,  
მაგრამ შენ დადნი,  
როგორც სანთელი...  
შენი მზე გახდა  
შენივე მკვლელი!..

\* \*

გიყვებრდა მთვარე  
შენ წყნარი ღამის;  
მან შენ გონებაც  
წარგტაცა ღამის.  
მაგრამ მოსტყუვდი:  
დარჩა ორპირი  
ეს შენი სატრფო,  
ეს შენი გმირი:  
სთხოვდი ნათელ პირს,  
მნათობბა ის კი...  
სხვას მიუშვირა,  
შენ — ბნელი დისკი!..

\* \*

შენ ნიავს სთხოვდი,  
ნიავს — აღერსსა;  
მას უგალობდი,  
უთხზავდი ლექსსა...  
„მოდი, მოდიო!“  
მოვიდა იგი,  
ხელში ეჭირა  
მკრელი ტარიგი,  
შეგახო .. და მყის  
დაგეჭრა ფრთები;

ის სხვისკენ გარბის  
შენ კი... შენ კვდები! .

\* \*

ვიცი, გიყვარდა  
შენ ნაკადული,  
გსურდა მის ზვირთში  
გებანა წყლული,  
მაგრამ იმ ზვირთმა  
ცივად გიკბინა,  
გული მოგიკლა  
და გაგიყინა!  
ნაკადი კვლავაც  
მირბის, მიტბორავს  
და შენს შესახებ  
უხამსად სჭორავს...


\* \*

შენ კი... გიყვარდა  
ვარდი ღამაზი,  
ბალს ამშვენებდა  
ის ტურფა, ნაზი:  
მოსწყვიტე შენა  
იგი ყვავილი,  
ყნოსდი და იყავ  
შეგებით აღვსილი,  
მაგრამ დასკუნა ის  
და შენ სხვა ვარდი  
მონახე... გაჰჭრა  
პირველზე დარდი...


\* \*

და ასე... ასე,  
დაუსრულებლივ  
ამ ქვეყანაზე  
ჩვენ ვხედავთ ირველივ —  
ერთი მით ხარობს,  
რითაც სხვა მწარობს,  
ერთი მით სტკებთა,  
რითაც სხვა კვდებთა...  
კაცი ნატვრის თვალს  
როც მისწვდება,  
კვლავ მაზედ, გველეზბრ,  
შხაპით ივსება!..

ნ. ზამლეთელი.



„სარწმუნოება“ დაეცა!



აღდგომა ქუედილის ოჯახში ძველთა.



აღდგომა ქუედილის ოჯახში დღეს.

გიშ, რა კარგია ეგ ბუნება, რა მშვენიერი!  
 აქ ვარდი ჩვეყვის, იქ ეუკისო, წამახანანი...  
 რად სტირის კაცი, წამების ჯვარს რისთვის ატარებს?  
 ხომ ამ ბუნების შვილი არი ადამიანი?  
 — ვარდიც სჭენება!.. სსუ, რა შესმა, ეგ რა ჩამახეს!  
 მერე ხომ ვარდი გახაფხულზე კვლავ იფურჩქნება?  
 კაცი კი, კაცი, იმ თავიდან მარად იტანჯვის!..  
 მამ მისი ხეუდრი ევაჯილისას რაით ედრება?  
 მათაღია რომ არ ხეყნი ბუნებამ შობა,  
 გველ-ბაყვისა გჩენის დედნ შოკავს გაციას,  
 მაგრამ მათთან ხომ დიდია სხვა და სხვაობა:  
 სულ სხვა წესი აქვს ამა მადგმას ქვეწარმავლისა  
 არცა ეფვილებს, არც გველ ბაკეთ არ შეუძლიათ  
 ახრონ ისე, ვით ახროვნობს ადამიანი,  
 არსებობს მათთვის მხოლოდ „ბრძოლა არსებობისთვის“,  
 არ კი იციან ცუდია თუ საშროთიანია!..  
 აი, სად არი დასაწეისი გაუგებრობის,  
 სად იწილიება ახროვნება ადამიანი!  
 წესი არის, რომ იტანჯას, ერთ ერთი სწავროს,  
 ვინც ეუკელ არსზე მადლა დგას და დიად რამეს ჩქმნის  
 ახ, ნუ, ნუ გჯერათ: სულ სხვა არი ადამიანი,  
 ის დიად არსათ ბუნებისგან არის შობილი,  
 თვის მოქმედებით გველ-ბაყებს არ უნდა ბაძოს,  
 მათ შორის ჩავკრას ადრ უნდა ჩქმნდეს ადგილი.  
 მამ, გაცონე, დიხსომე ადამიანო,  
 შენს სიმაღლეზე დატოვებ შენ შენი თავი,  
 თუმც ეგ ცხინჯობა ადრ ვარგა, მაგრამ გამხსენებ,  
 უფრო უკეთეს შენისისა გახდი მჭკდავი.

ბ. ჩხიკვაძე.

„ოქტომბრისტი“.

წარმოდგენილი მაქვს თქვენი განცვიფრება, როცა, ორიოდ სიტყვის შემდეგ, თქვენს კადეტურ ილლიუზიებს ბოლო მოედება და გაიგებთ, რომ „ოქტომბრისტი“, რომელზედაც მსურს თქვენთან ლაპარაკი სრულიად არ ეკუთნის რუსეთში მოქმედ პოლიტიკურ პარტიას.

დიახ, ოქტომბრისტიც არის და ოქტომბრისტიც! ჩვენი ფელეტონის გმირი ეკუთნის ფრთოსანთა ჯიშს, ანუ უკეთ ვსთქვათ, წარმოდგენდა რუხსა და მოზრიდლ ქათამს.

აღწერა ჩვენი ოქტომბრისტის ცხოვრებისა მოკლე, მაგრამ მრავალმნიშვნელოვანია.

ერთს ნისლიანსა და მწუხარე ოქტომბრის დილას ქ-ნ რუსულანის ოჯახში გამოიჩეკა რამოდენიმე წიწილა საზოგადოთ ეს უჩვეულო დროა ჩეკისა და მრავლებისათვის, რადგან მოახლოებული ზამთრის სუსხი ავით მოქმედობს ნორჩ არსებათა ორგანიზმზე. მაგრამ რაკი ასეთი შემთხვევა მოხდა, რუსულანიც ერთგულათ მოეკიდა აღზრდის საქმეს. სიცივი-

საგან დასაფარავათ წიწილებს ბამბის ქულაში ახვევდა, მათი პატარა ბუდე საქათმედან თბილსა და სუფთა ოთახში შემოიტანა. თავ-თავის დროზე დაუნიშნა აგრეთვე საქმელ-სასმელიც და სეირნობაც.

მიუხედავათ ასეთი სათუთი მოვლა-პატრონობისა, ახალშობილთაგან გადარჩა მხოლოდ ერთადერთი არსება, ისიც ძალზე დაზიანებული-დამახინჯებული: მან სრულიად დაჰკარგა სმენა, წაუზდა ცალი თვალი და მოედრიცა ორივე ფეხი.

აი ამ არსებას, ნიშნათ მისი დაბადებისა და აგრეთვე სასწაულებრივი გადარჩენისა, ქ-ნმა რუსულანმა უწოდა „ოქტომბრისტი“.

დამერწმუნებით, უკეთესი ნათლის სახელის გამოხანვაც შეუძლებელი იყო და ეს მოსაზრება უმეტეს აშკარა იქნება თქვენთვის, როცა „ოქტომბრისტი“ საეზოვო ცხოვრებას და მის „კანონმდებლურ“ მიდრეკილებას გაიცნობთ.

დავაეკაცებასათანავე დაეტყო მას განსაკუთრებული, ოქტომბრისტული, ზნე-ჩვეულებანი: ორი საათის განუწყვეტელი და ხმა მალალი კაკანის შემდეგ დასდებდა ის ერთს პატარასა და ხშირათ უგულო კვერცხსა. ალბათ ამ მიზეზისა გამოც უწოდა მას ქ-ნმა რუსულანმა საპატია სახელი „კანონმდებელი“. რაკი ეგრე აშკარათ გვაგონებს ქეშმარიტ ოქტომბრისტთა თვისებას „კანონმდებლობისას“. თუ განსხვავება რამ იყო მათ შორის, ეგ მხოლოდ ნაყოფიერების ნხრივ, რადგან ქეშმარიტ ოქტომბრისტთა კანონ პროექტების ინგარიში უკვე გასაქირია. ღირსებით კი, არა თუ უბრალო მსგავსება, არამედ თანასწორობა და უმეტესად უზრუნველ ყოფილი გახლდათ.

რადგან საკუთარი კვერცხების იმედით „ოქტომბრისტის“ ბუდეზე დასმა არ შეიძლებოდა, ქ-ნმა რუსულანმა მას სხვა ჯიშის ქათმის კვერცხები ჩაუწყო, მაგრამ თანდაყოლილი ზნე „ოქტომბრისტი-მა“ აქაც გამოიჩინა. თითოეულ კვერცხზე ორ ორი თვე იჯდა და მიუხედავათ ამისა, მინც მესამელი ძლივს გამოჩეკა უნდა გენახათ მაშინ მისი თავ-მოშწონე და აუტანელი კრუხუნნი;

ყველა ფრთოსანთათვის აუტანელი შეიქნა მისი მბრძანებლობა. ბატები, იხები, ინდაურები და აგრეთვე სხვა ჯიშის ქათმები, ეზოს ღობის ძირას აფარებდნენ თავს და განაპირა ადგილებში ეძებდნენ საზრდოს. მტრული განწყობილება ჩამოვარდა აგრეთვე მურიასა და „ოქტომბრისტი“ შორის, მაგრამ განსაკუთრებულ მრისხანებას იმისას ვანიციდება წითელი კატა, რომელსაც რაღაც გქვებით თავისი წიწილებისადმი მისწრაფებას სწამებდა.

საბედნიეროთ დიდ ხანს არ გავრძელებულა ამ დესპოტის მბრძანებლობა. სიყრუისა, სიბეცისა და ფეხებში გრძნობიერების დაკარგვის გამო ის თავის თავს მეტ მწუხარებას და ზიანს აყენებდა, ვიდრე

სხვებს. თითქმის ყოველ-დღე ამოჰქონდა რუსუდანს „ოქტომბრისტი“ ბულიდან თითო-ორიოლა დამხრეალი წიწილას გვამი. ის, უმეცარა, სხვათაგან თითქო მდგრათ იცავდა თავის „პირმშობებს“, მაგრამ თითონ კი დაუზოგველათ ახრჩობდა მათ.

ათიოდ დღის შემდეგ განთავისუფლდა ის მშობლის სამძიმო მოვალეობისაგან, მაგრამ მეზობლებთან მტრობა და შური მაინც ვერ მოიშალა. მუდამ დღე ხან ერთს, ხან მეორე წვევრს ეზოისას სამკვდრო-სასიცოცხლო ბრძოლას უტეხდა და უთანხმოებას უმეტეს ამწვაავებდა.

მხოლოდ ერთი გზაღა დარჩა: რუსუდანმა ის ძარში დაამწყვდია და უზვი საზრდოთი სადღესასწაულოთ სუქება დაუწყო. მხოლოდ აქ გაამართლა იმედი წამებულმა „ოქტომბრისტი“ და აი ა-დგომა დღეს ღირსეულათ ამშვენებს ის ერთი წარჩინებული მოხელის სადღესასწაულოთ მორთულ სუფრას, მაგრამ როგორ და რა სახით, ეს თვით მკითხველმა გამოიცნოს.

ასე გათავდა „ოქტომბრისტი“ ისტორია.

**ისტორიკოსი.**

**ნ ა დ ს ო ნ ი თ .**

(გუძლინი იმას...)

არა, შენს სიკვდილს უფრო ავიტან ვიდრე სიცოცხლეს გარყენილთა შორის. სად გებოლწება ახალგაზრდობა, მსხვერპლი ხარ უღირს, ურცხვი ამბოარის.

ნეტავ მკვდრათ ილა! ვიდრე ვიცოდე, რომ შენ ძალგიძდა ღრმა სიყვარული და დღეს კი მონებრ გადაგიშლია გახრწნილთ წინაშე უმანკო გული!

განა უგვანო ცხოვრება იყო ერთად საუბრის ჩვენი საგანი? განა არ გვძავდა იმ დროს ორთავეს ბრმათა სიცოცხლე, ბნელი საკანი? სად, სად გაგიქრა წმინდა სიზმარი, რისთვის გასტყარცნე შორს მსხნელი ბედი? რათ არ ჩაიკარ გულში მზის სხივი, ის, განახლების წინაშეობედი?..

ვფიცავ მებრალვი!.. კრემლიც კი მკვიფა... ახ, რომ იცოდე!.. მე თავს დაედებდი და მდევის ძალით, წვით ბავშვს აკვნიდან მაგ გარყენილ წრიდან გაგიტაცებდი!..

მაგრამ ფუჭია ჩემი ძახილი!.. კვლავ თვალ წინ მყავხარ უღონოთ ქმნილი და მოწოდების საპასუხოთ გაქვს ხან ცხარე კრემლი და ხან ღიმილი!..

**ვ. მალაქიაშვილი.**

**დ ე კ ე შ ი ბ ი .**

(ვარგისის სააგენტო)

**დ. სამტრედია.** ლეიბ ქირურგმა სტიოპკა ნიკურამემ, კარგი მასწავლებლის წყალობით, ნესტორ კიკაჩიევილსაც გადააქარბა. საუცხოოვო მოხერხებით და სწრაფათ უკეთებს ჯიბეთა ოპერაციებს ვინც კი მის მიერ მომზადებულ მანქანაში ფეხს ჩადგამს.

**იქიდანვე.** სიცრუეა, ვითომც ზოგიერთი მუშები ხშირათ თვრებოდნენ სამიკიტნოებში, ისინი მხოლოთ საღამ-საღამოობით შედიან ბახუსის შესავედრებლათ და შემდეგ, ძლიერ დაქანცულნი, ქუჩებში ფეხებით გეომეტრიას სწავლობენ.

**იქიდანვე.** ერთ თანამდებობის გვამს, ე. ი. ჩინოვნიკს ტლიკინიზში და ფოთილიზში დაემართა, რასაც შედეგათ მოჰყვა: ენის შესამჩნევათ დაგძელება და ხელების სიღამლე.

**იქიდანვე.** ადგილობრივ ზინგერის მუშებს ერთი ნაზინგერალ ნააგენტარი სტუმრათ მოველინათ სხვისი გვარით. სანამ ვინაობას გაიგებდენ, ბევრს საქანქრეთი დაუცარიელა და თოვლივით ვაჰქრა. გამოიწერეს პოლიციური ძალები მის საქებრათ.



**ტკბილი ოცნება.**

I

ზებირ გადმოცემის მიხედვით, იმ ადგილას ხშირათ ისვენებდა, თურმე, ნიკოლოზ ბარათაშვილი და თავისს უკვდავ პოეზიის მარგალიტებსა ქმნიდა.

დღეს კი, მთაწმინდის ამ უბანს, სამიკიტნოებში ტვინ შეხურებული ყმაწვილ კაცობა და უმთავრესათ ტრფობის ეშხით გატაცებული ყმაწვილ-კაცობა ეტანება.

მხოლოდ ახალგაზრდა პოეტი აკაკი კაეშანიძე\*) მოვიდა აქ, ამ წმინდა ადგილზე, ფაქიზი-გრძობებით გამსქვალ ული.

\*) უნდა მოგახსენოთ, რომ აკაკი ნამდვილი სახელია მგოსნისა, ხოლო კაეშანიძე ფსევდონიმი. ცხადია მშობლებმა თათბიდანვე იცოდნენ, რომ მათი შვილი მგოსნი გამოვიდოდა, მაგრამ როგორც აკაკი წერეთლის თაყვანის მცემლები, რათქმა უნდა უპარატეზობას აკაკის აძლევდნენ. აი ამიტომ უწოდეს მას ეგ ისტორიული სახელი, კაეშანიძე, თითონ გამონახა ფსევდონიმათ აკაკიმ, როცა აშკარათ დაუმტკიცეს, რომ ის უკვე ბარათაშვილზე მაღლა დგას საზგონსო კიბის საფეხურებზე.

კარგა ხანია კრიტიკოსმა კიტრადემ, ის ბარათაშვილის შემკვიდრეთ აღიარა და ახალგაზრდა, გატაცებული მგოსანიც, თავს მოვალეთ რაცხს თითოეული მარგალიტი თავისი მჩქეფარე გრძნობა-გონებისა ამ ალაგას დასწეროს და თუ დაწერას ვერ მოახერხებს, წაკითხვით მაინც წაიკითხოს.

დღესაც აქ, მხარ თეძოზე წამოწოლილი, მგზნებარე თვლებით დაჰყურებს იგი მგოსნური სიმაღლიდან, ძირს, ქალაქის ქუჩებზე, უბრალო მომაკვდავთა თავდავიწყებულ და ამოა ფუსფუსს!

ამ სანახევმა ღრმათ ჩაფიქრა, ნორჩი ვარსკვლავი“ და მცირე ხნის შემდეგ მან მედიდურათ წარმოსთქვა:

— ნეტავ რა არის ჩვენი ყოფა,  
წუთისოფელი,  
თუ არასოდეს საწყაული  
აღუესებული?

რა არის კაცი, თუ ის კაცი  
კოცხალს არა ჰგავს,  
სოფელში ცხოვრობს  
და სოფლისთვის არარასა რგავს?!

მართალია რაღაც ამის მგვარი თვით ნიკოლოზ ბარათაშვილსაც ჰქონდა სადღაც ნათქვამი, მაგრამ აკაკი კავშინიძემ სრულიად დამოუკიდებლათ და ახალს ფორმაში ჩამოსახა ეს დიდებული აზრი! ამიტომაც იყო, რომ თავმომწონებით ამოიღო პატარა უბის წიგნაკი, (რომელსაც თან ამოჰყვა გაქონილი ჯერის ორიანა) და მედიდურათ ჩასწერა შიგ ეს მართლა პატარა, და მართლა მარგალიტი პოეზიისა.

კიდევ ორიოდ წამი ღრმა ფიქრებისა და ჩვენი მგოსანი ტკბილსა და დამათრობელ სიამოვნებას განიცდიდა ამხანავთა და გულის სწორთა შორის.

### II

— იცით, ყმაწვილებო! დაიწყო სანდრომ, — აკაკი ახლა ჩვენისთანაებს თავს დიახაც არ გაუყარებს.

— ისიც დიდი პატივისცემაა ჩვენთვის, რომ მასთან ერთ სუფრაზედა ვსხედვართ, გამოვბასუხა შალიკო.

— როცა აკაკი გერმანიიდან დაბრუნდება, სანახაობა თქვენ მაშინ უნდა იკითხოთ! დაიწყო თომამ — მთელი საქართველოს ინტელიგენცია ბათუმში მიეგებება და პურ-მარილს მიართმევს. ქალები ვარდ-ყვავილებით მოუფენენ გზას, სხვა და სხვა მომღერალთა ჭგუნდები გალობას შეასხამენ... ეჰ, ვინ მოსთვლის, ვინ მოსთვლის!

აკაკი კავშინიძის გული მოუთმენლობითა და სიხარულით სცემდა. ის კიდევაც განიცდიდა იმ ბედნიერ წამებს, როცა გერმანიიდან დაბრუნებულს ბათუმის ქალაქი გაჩირადნებულ-აყვავებული დაუხვდებოდა, როცა ქართველი ქალები გზებს ვარდით მოუფენდნ და სხვა ათასი ამგვარები.

— ქუჩებში აქა-იქ გამართული იქნება სატრიუმფო არკები ჩანგის სახით. რომელსაც ელექტრონის ყვავილებით ნათლათ და მკაფიოდ ეწერება ამისი უკვდავი სიტყვები:

„რა არის კაცი,  
თუ ის კაცი კოცხალს არა ჰგავს,  
სოფელში ცხოვრობს

და სოფლისთვის არარასა რგავს.“

ჩვილ ყრმათა გუნდი ანგელოზის ხმებით უგალობს მას „მრავალ ქამიერსა“ და შესთხოვს მეუფეს მის ხანგრძლივ სიცოცხლეს, დასძინა ტიტულო კენქაძემ.

— იცით, ყმაწვილებო, ვსთქვით მაშინ მივედი მე ჩვენი ქვეყნის მნათობთან და გავახსენე, რომ ოდესღაც, შორეულ წარსულში, ხუთი წლის წინეთ, ჩვენ ერთად ვსწავლობდით, ერთ სკამზე ვისხედით, ერთად ვამზადებდით გაკვეთილებს, ერთად დავდიოდით თუნდაც აი აქ, ამ არშაკის პაღვალში... ის ამხედავს, დამხედავს, ბროლის თითს პიტალო შუბლზე მიიბჯენს, ღრმათ ჩაფიქრდება და იტყვის: — აჰაა! წარმოიდგინეთ მაგონდება!.. დიახ, დიახ!.. თქვენ ისა ბრძანდებით.. დიახ, დიახ!.. დასწყევლოს ღმერთმა, სახელი ვერ მომიგონია!..

— სახელი რომც მოიგონოს სირცხვილით აღარ ვაამხელს, გააწყვეტინა პეტრემ.

— თქვენ უნდა უყუროთ როგორ დაეხვევიან მას გაზეთის რეპორტიორები, რედაქციონარები და სხვა-სხვა დოკუმენტის ქალები!!! როგორ დაუწყებენ ოჯახიდან ოჯახში პატიყს, როგორ მოაბეზრებენ თავს სხვა და სხვა კონცერტებსა და სალიტერატურო საღამოებსა, თუ დიღებში მიწვევა მიპატიებებით!! ეჰ, მეგობრებო, მაშინ ნახეთ თქვენ აკაკი კავშინიძის მედიდურობა! კიდევ კარგი, თუ რომელიმე ჩვენგანი ზედმა სრულიად არ მოიძულა და სადმე საზოგადო საქმეში ოფიციალური ადგილი მისცა. მაშინ კიდევ იქნებ მოგვხედოს და ხელი გამოგვიწოდოს, თორემ თუ ჩოხის ამარა დავრჩით, მშვიდობით მაშინ!!

აკაკი კავშინიძემ რამოდენიმეჯერ განაცხადა წინააღმდეგობა ასეთი ბაასის გამო, მაგრამ ისე სუსტათ და ისეთი კილოთი, რომ ცხადათ სჩანდა, რაზომ სასიამოვნო იყო მისთვის ამ ბრწყინვალე მომავლის გათვალისწინება.

— ჭემი აზრით, ამხანავებო, — დაიწყო თომამ, ყველაზე უფრო საინტერესოა აკაკის ხუთი წლის იუბილე იქნება. ქართველი ერთ დიდის თავგამოდებითა და უჩვეულო ენერგიით შეუდგება მის მზადებას. ერთი წლით ადრე ბრწყინვალე დღესასწაულისა, ყველა დაბებსა და სოფლებში დაიწყებენ ლექციების კითხვას „კავშინიძის პოეზიაზე“. გაზეთები აქრელებული იქნება ქართველ კრიტიკოსთა და ჟურნალისტთა წერილებით ამავე საგნის შესახებ. თვით ახალგაზრდა ფი-

ლოსოფოსი, ტიტე გრიგოლის-ძე რობაქიძე \*) ერთ საჯარო ლექციის დროს, „კლათონ ბრანდესის-ძე შოპენგაუერის პოეზიის შესახებ“, აი რას იტყვის: „ბ-ნებო და ქ-ნებო! ეროვნებისათვის არავითარ ღირებულებას არ წარმოადგენს არა თუ ტერიტორია. არცა სხვა რამ მატერიალური საუნჯე. მისი ძლიერებისათვის საჭიროა, მხოლოდ მაღალი პოეზია, პოეზია კიბის უმაღლეს საფეხურზე მდგომი! ამიტომაც თამამათ შემიძლია ვსთქვა, რომ ერთად-ერთ სიტყვას, ერთად-ერთ ანბანს, აკაკი კავშიანძის პოეზიისას არ გავსცვლიდი მთელი აზიის ტერიტორიალურ სივრცეზე და გინდ ამერიკელ მილიარდერთა ბაჯალღოებზე“. აღტაცებულ მსმენელთა ტაში მთელს არეს გადააყრუებს...

— კარგით ერთი, თუ ღმერთი გწამთ, ტკბილათ გააწყვეტინა ლაპარაკი კავშიანძემ, — განა ღირს ახლა ამზე ლაპარაკი?!

— კრიტიკოსი კოტე კიტრაძე, დაიწყო სოლომ, უცილობლათ დასახუთ-დამტკიცებს, რომ ჩვენს ახალგაზრდა მგოსანს არა თუ ამ ჟამად არა ჰყავს ბადალი ვინმე კოცხალთა შორის, პირიქით, არც წარსულში ყოფილა მსგავსი ვ-ნმე დედა მიწის სურგზე.

— ისტორიკოს-არქეოლოგი დათიკო გიორგის-ძე გვაზავა შეეხება მისი პოეზიის მხოლოდ ისტორიულ მხარეს და იტყვის: აი მხოლოდ სად არა სჩანს კვალი შარლატანიზმისაო, დინჯათ წარმო-სთქვა შალიკომ.

— სოფრომ ზაქარიას ძე ქიქინაძე გამოიკვლევს აკაკი კავშიანძის გვაროვნობას. თვით სამოთხის კარამდე მიიყვანს მის გენეოლოგიას და დაამტკიცებს, რომ ჩვენი მომავალი მნათობი პირდაპირი ჩამომა-ვალთა აღამისა, შენიშნა ვანომ.

ღიდხანს გაგრძელდა ასეთი ტკბილი ამხანაგური მუსაიდო. ვრცლათ ასწერეს სურათი იმ დიდებულის, საერო დღესასწაულისა, რომლის მიზეზიც ჩვენი ნორჩი პოეტი იყო. გაჩირადნებული ქალაქის ქუჩები! მწვანეთ მორთული ეტლები და სახლის აივნები! ნოხით მოგებული ტროტუარები! მოზღვავებული ხალხი! უცხოეთიდან გამოწერილი საფრენები! ათასგვარი არკები და გვირგვინები! ურიცხვი დეპუტატები და საპატიო ყარაულები!

აი გათავდა მილოცვები! ხალხი მოუთმენლათ მოელის მგოსნის საპასუხო სიტყვას! მთელი ქალაქი, მთელი საქართველო სმენათ არის გადაქცეული! მკვდრულ, სამარისებურ სიჩუმეს არარა არღვეს. ყველას თვალი იუბილიარის ძვირფასი სავარძლისაკენ არის მიქცეული. და აი აკაკი კავშიანძე, გული ამ ზღვა საზოგადოებისა, შეუფერებელის სიღინჯით წამოადგა და...

\*) აქ ალბათ გრიგოლ რობაქიძის შემკვიდრებუა ლაპარაკი.

III

და მის ნამძინარეგ თვალთა წინაშე გადაიშალა ურიცხვი ფანრებით მოლაპლაპე სივრცე ქალაქისა, მთაწმინდიდან ვიდრე ჩუღურეთამდე.

ეშმაკი

შ ა რ ა დ ა

შარადას გეტყვით პატარას,  
მოკლეს და თავაზიანსა,  
არ ამოცნობა იმისი  
ბევრს არას მოგცემთ ზიანსა  
ბაბუა თქვენის ნახევარს,  
გინდა თავს, გინდა ბოლოსა,  
მოჰკიდეთ მწერთა „სასახლე“  
(ფრთხილათ, არ ჩაიქოლოსა!)  
იმ სასახლეში, უფლება  
დედოფალსა აქვს მხოლოსა,  
ურიცხვი მუშა ხელი ყავს,  
მინდორს რო მოაყოლოსა,  
თავზე მოავლოს ყვავილებს  
აუქროლ-ჩაუქროლოსა,  
რომ პაწაწინა ხორთუმი  
შიგ გულში ჩაუყოლოსა...

ამით გათავდა კიდევაც  
შარადა განაზრახავი,  
„გამიზნულ მიზნის მიზეზით“  
არ დიდი დასაზრახავი,  
პოლიტიკური არ არის  
საჩქაროდ მონაჩმხახავი,  
მხოლოდ ბრმის დაურჩებოდა  
აღდგომას დაუნახავი.

კოლო.

დ ე მ ქ ე მ ი.

(ვოლდეპორის სააგენტო)

ფოთი. ჩამოვიდა ესიკოვსკის ცირკი და მთელი ლეგიონი ჩემპიონთა უკვე გაიმართა ფრიად სასიერო ქილაობა დაეჯახენ ერთმანეთს გოლდენდერი და ცნობილი იზბაში. იზბაში ძლიერ იქმნა. ზოგიერთი ახალ მოსწავლენი ძლიერ ბაძავენ ჩემპიონებს, მაგრამ ვინაიდან მოწინააღმდეგე არავინ ყავთ, განცხადების ბოძებს ექვიდავებიან. ერთი ასეთი ბოძი, საქალბო გიმნაზიის პირდაპირ, ძლიერ იქნა ზოგიერთ მოსწავლევების მიერ. გათამამებული ახალგაზრდა ჩემპიონები დაეჯახენ საქალბო გიმნაზიის ღობესაც და ისიც გაანგრეს.

იქიდანვე. ამ დღეებში ესიკოვსკის ცირკში სატუსაღოს კომიტეტმა გამართა საქველმოქმედო საღამო, რასაკვირველია ფონდის გასაძლიერებლათ. როცა ამ მიზნით ბილეთებს ყიდდენ, წააწყდენ ერთ



რკინის გზის მოსამსახურეს ბ.ნ ხუნდაძეს და ბილე თი შესთავაზეს. მან ჩემპიონურათ განაცხადა: „ციხეში ავაზაკებია და მათი დახმარება, ეს ავაზაკობის დადასტურებააო.“

**იქიდანვე.** შესდგა „კორესპოდენტთა შემ-მუსრი ლიგა“. იმისი მიზანია, დაიცოს ნიკოპურ გელთა მყუდრო და დამყაყებული ცხოვრების „წესიერება“. ლიგა აღდგომიდან ოფიციალურათ დაიწყებს მოქმედებას.

**იქიდანვე.** რამდენიმე თვეა, რაც აქ ვადმოიყვანეს ექიმთ ვინმე ორლოვი. ამ დღეებში მასთან მივიდა ქალაქის ფელდშერი ბ. ნოდია და ზარადურკვა. „უბრალო ფელდშრის“ ასეთმა თავხედურმა საქციელმა ძლიერ გააბრაზა ბ.ნ ორლოვი და უყვირა მას: „Почему вы съ черного ходу не пришли? Какъ вы, (такой, сякой), осмѣлились нарушить обязательное для „подчиненныхъ правило“-ო?

**იქიდანვე.** ვოლდემარის ღებეშათა სააგენტოს ცნობის გამო, ზოგიერთ მასწავლებლებზე ამ ზოგიერთებში დაიბადა აზრი, პროტესტი გამოეცხადოს, სააგენტოს, რამეთუ მან არ სთქვა სახელდობრ, რომელი მასწავლებელი (ან მასწავლებლები) იქნენ სა... (ვერ გავარჩიეთ) დაპატიებულნიო.

ვიჩქარით ვუპასუხოთ, რომ სწორეთ ის მასწავლებლებია დაპატიებულნი, რომლებიც ამ შენიშვნაში თავს დაინახავენ. ვინც მიხვდება და იგრძნობს, სწორეთ ის და არამც და არამც სხვა.

**იქიდანვე.** ერთი ექიმის გამოკვლევით (თვით მიხვდება ვინცაა და ტყვილად სხვა რათ დაინახავს თავს?) ყველა ავადმყოფნი იმ სენით შეპყრობილნი არიან, რითაც გამშინჯავი ექიმი გამოდგება. უნდა მოვახსენოთ, ფრიად მეცნიერული გამოკვლევა!

**იქიდანვე.** ბ.ნ-მა ვოლდემარმა ეშმაკეთის მთავარ შტაბიდან საიდუმლო ცირკულიარი მიიღო. მთავარი შტაბი აძლევს მას წინადადებას: ფიცხლავ გაემგზავროს ნიკოპურგის სხვა და სხვა დაწესებულებებში და სასტიკი რევიზია მოახდინოს. ასეთი განკარგულება გამოუწვევია იმ გარემოებას, რომ აქაურ დაწესებულებებში მრავალი ბოროტმოქმედება ხდება. რევიზია დაიწყება ნაადღომევეს, რახან ეხლა დაწესებულებანი დაკეტლია.

(მანუ-ძის სააგენტო)

**ჭიათურა.** ამ დღეებში „არტისტ“ ხარაიძის რეჟისტრობით წარმოდგენილ იქნა ხუთ მოქმედებიანი დრამა, — „ბურთი“. მონაწილეობა მიიღო მოსწავლე ახალგაზრდობამ და მუშათა უმრავლესობამ.

**დარკვეთი.** სარეცხი ქარხნის ადმინისტრაციამ ორმოცამდე მუშა ერთ-ერთ ავარაკზე გაგზავნა დასასვენებლათ და თვითონაც მოისვენა..

**ჭიათურა.** კვირას, 4 აპრილს ბ. ი. ბახტაძემ თეატრის დარბაზში წაიკითხა ლექცია. ლექციას 150 დე სკამი დაესწრო.

**ჭიათურა.** მუშა ნიკოლოზ შარანძე მეტიჩა-რობით -გარეშე პირების ქაზხანაში არ დაშვებისთვის წარდგენილ იქნა ეშმაკთა საბჭოში, მათრახის კულზე. აღდგომის შემდეგ ეშმაკთა საბჭოს წარუდგენენ ოგანეზოვის ქარხნის სხვა მუშების სიასაც ამავე ჯილდოზე.

**ჭიათურა.** ნ. წერეთელმა თავის მუშებს ჯამა გირის მიცემა დაუგვიანა, რადგან „ფული არ ქონდა“. ამისთვის მუშებმა შესწყვიტეს მუშაობა (გაიფიცენ) და მოითხოვეს ჯამაგირების დარიგება. ბ. წერეთელმა მიუხედავთ იმისა, რომ „ფული არ ქონდა“ — მაინც 15 მდე მუშას ანგარიში გაუსწორა და სამსახურიდან დაითხოვა

ამ საქმეში დიდი დახმარება აღმოუჩინეს ნ. წ—ს ბ.ბ. ოტტო რუდოლფმა და ნ. ქელიძემ, რისთვისაც წარდგენილ იქნენ უმაღლესათ მათრახის კულზე...

**აქიდანვე.** მონასტრის ვეჟილმა, ღვდ კ—ძემ სახარებაში შესცვალა სიტყვები: „ორი პერანგი რომ გქონდეს —ერთი სხვას მიეციო“, შემდეგი სიტყვებით: ორი „ლაფატკა“ ვისაც აქვს, ორივე წაართვი“-ო.

რა კარგი იყო, რა ნაზი ია!..

„რა კარგი იყო, რა ნაზი ია!“

ასე მოსთქვამდა ტურფა სოსანი და იქვე ვარდზე კაენიანად ჩანგს აკენესებდა ცისკრის მგოსანი.

ისიც მოსთქვამდა: „გაზაფხულის პირს პირველად მოხველ, ჩემო ძვირფასო, ჩემო ლაპაზო და საოცნებო გულის ყვავილო, სიცოცხლის ფასო!..

ცისფერი თვალი შენი მომაპყარ, მომხიბლე სრულათ, მომაჯადოვე, მაგრამ, უწყალოვ, ასე უდროოთ რათ გამეყარე? რათ მიმატოვე?!

ოჰ, რა ლაპაზი, რა ნაზი იყავ!..

და მით მწარეა ეგ მოგონება, უშენოთ ყოფნა ჯოჯოხეთია, ლამის დავკარგო სრულათ გონება.

აი, სოსანიც შენზედა მოსთქვამს:

„რა კარგი იყო, რა ნაზი ია!“

ასე გიგონებს და ამ სიტყვებზე — ცრემლი არ ღვაროს —არ შეუძლია.

ოჰ, მართლაც, . მართლაც, რა ნაზი იყავ!..

იმ თავიდანვე მომაჯადოვე, მაგრამ, უწყალოვ, ასე უდროოთ რათ დამაობლებ? რათ მიმატოვე?!“

ნ. ზომლეთელი.

## პატარა ფელეტონი.

„ტელეგრამა“  
(თარგმანი).

შუალამე იქნებოდა, როცა რუსეთის თავისუფალ მოქალაქის, ანტონ ანტონისძე ობივატელევს ღერეფნის ზარები ღონივრათ დაურგეს.

— ნეტავ ვინ უნდა იყოს? გაივლო გულში ანტონმა.

— იქნებ ექსპობრიატორები არიან! მწარეთ წაჩურჩულა ანტონის მეუღლემ.

ობივატელევი მოკრძალებით მიუახლოვდა კარებს და შიგნიდან შეეკითხა:

— ვინ არის?

— ტელეგრამა! მოისმა ღერეფნიდან.

ანტონი ელდა ნაკრავით მოშორდა კარებს.

— გაჩაღე ბუხარი! ბუხარი ჩქარა! გასძახა მან კოლსა და მოსამსახურეს.

ქალებმა გაოცებული და შეშინებული თვალებით გადახედეს, ფერ მიმკრთალ ანტონსა.

— ჩქარა, ჩქარა მეთქი! არ გესმით! აღელვებული ხმით ეუბნებოდა ანტონი. — უთუოდ ჩხრეკა! ეს ყოველთვის ეგრე იცოან: როცა გასაჩხრეკათ მოდიან ყოველთვის ტელეგრამააო, ამბობენ. . ჩქარა, ბუხარი, ჩქარა!

ქალბატონ ობივატელოვისას სახე გაუფითრდა.

— ნუღა აყოვნებთ! გაიძახოდა ანტონი, — თქვენ ბუხარი გაჩაღეთ, მე კი აკრძალულ წიგნებსა და ხელნაწერებს გამოვანახავ.

— რაქნა, რა უნდა გამონახო, ჩვენ ხომ არაფერი გვაქვს აკრძალული!

— შენ ეგრე გგონია?! ვინ იცის ჩვენს დროში რა არის აკრძალული და რა არა!

ბუხარი აგუგუნდა, ანტონმა მოიჭანა რამოდენი მძიმე წიგნი და ცეცხლში შეაყუდა.

— მოიცა, ეს რა წიგნებია? შეეკითხა მეუღლემ.

— ტოლსტოის თხუზულებანი: „ანა კარენინა“, „ომი და ზაი“, „ბავშვობა“.

— კი მაგრამ ესენი ხომ ნება დართულია?

— შერმე რა, რომ ნება დართულია. იმისი სურათებიც ნება დართულია, მაგრამ აბა ერთი დაჰკიდეთ სადმე სამკითხველოში! მაშინ გიჩვენებენ ტოლსტოის...

კოლმა მწარეთ ამოიოხრა.

— აბა, ახლა ლერმონტოვს გავუძახოთ...

— ლერმონტოვს? რას ამბობ კაცო! აკადემია სცემს და...

— აკადემიამ დაე გამოსცეს! აკადემიას ციხეში ვერ ჩასვამენ და მე კი ბევრს არ მალაპარაკებენ. განა ვინ არ იცის, რომ ლერმონტოვი ერთ დროს გადასახლებული იყო?

ცეცხლის ალი სწრაფად მოედო ლერმონტოვის თხუზულებებსაც და გულში ჩაიკრა.

ზარის ხმა უფრო ძლიერათ და მკვახეთ გაისმა.

— ეხლავ, ეხლავ! დაბნეულათ გასძახა ანტონმა. — დაგვაცადეთ კოტა, ტანთ ვიმოსებით. და თან მთელი წყება წიგნებისა შეჰყარა ბუხარში.

— აბა „ნივა“ მოიტანე, გესმის! უბრძანებდა ანტონ მეუღლეს. — ჩქარა „ნივა“! ხომ იცი 1905 წლისა გესმის 109წ წელი! მარტო ამისთვის გა მოგვალბობენ ციხეში.

ცეცხლის ალი ორჯერ გაეთამაშა „ნივას“ სქელ კანსა და ჩაქრა.

— სპიჩკა, სპიჩკა ჩქარა! საზარლათ წამოძახა ობივატელოვმა.

ცეცხლმა ისევ იფეთქა და ორიოდ წუთის შემდეგ „ნივა“ საგან მხოლოდ ფერფლი დარჩა.

— აბა ახლა წერილები! უბრძანა ანტონმა.

— რა წერილები, სადა გვაქვს ჩვენ წერილები. მხოლოდ ნიკოს წერილებია.

— მოტა, მოიტა ჩქარა! ნიკო-სტუდენტი. არ მინდა იკოდენ, რომ შეილი სტუდენტი მყავს. ხომ იცი ამისათვის მადლობას არ გეტყვიან.

წერილების კონა ბუხარში აენთო.

— კიდევ რაღა დარჩა?

— ოლჩკას წერილები... სამარისებური ხმით წა რომოსტქვა ანტონის მეუღლემ — იწერება გაკვეთილები აღარა მაქვს, ფული გამომიგზავნეთო.

— ფულებს თხოულობს? აჰა! — აბა რათ უნდა ახალგაზრდა ქალს ფულები, ალბათ ბომბებს აკეთებსო, იტყვიან.

ბუხარი კვალად განაოდა

— მეტი არაფერია?

— არის.

ქ-ნი ობივატელოვისა გაწითლდა.

— არის შენი წერილები... როდესაც ჩემი საქმრო იყავი.

— მოიტა აქ!

კოლს თვალზე ცრემლები მოადგა.

— ანტონმა! ედრების კილოთი მიმართა კოლმა — ამაში ხომ არაფერი სწერია მთავრობის საწინააღმდეგო.

— არაფერი სწერია? მაშ ეს რა არის? ანტონმა მოაგლიჯა წერილის ვარდის ფერი ლენტი, გაშალა და წაიკითხა:

— „ჩემო ძვირფასო და საყვარელო! დღიდან დღე ჩემი შენდამი სიყვარული იზრდება და ფრთასა შლის“. გესმის, რა დამიწერია: „ჩემი შენდამი სიყვარული იზრდება“. განა არ იცი, რომ სიყვარული მხოლოდ მამულისა არის ნება დართული? შენ კი ჩემი ცოლი ხარ და არა მამული. ამისთვის, ჩემო კარგო, თავზე ხელს არ მოგისვამენ.

კარებზე მავრათ მოაკაკუნეს.

— ამოწყდენ, თუ რა ამბავია! მოისმა ღერეფნიდან უკმეხი ხმა.

— კარებს ამტვრევენ! გაუელვა თავში ან-  
ტონს. შეუძახა ბუხარში კიდევ რამოდენიმე წიგნს  
და გაეხმაურა:

— ეხლავ გაიღებთ, ამ წამში!

— იმან გადაისწორა უღვაშები.

— ეხლა საშიში აღარაფერია, გაამხნევა ცოლი  
და მედიდურის სახით გაულო კარები.

— გთხოვთ ზობრძანდეთ, ბატონებო!

— აბა ხელი მოაწერეთ! მოესმა ისევ უკმები  
და მწყრალი ხმა უცნობისა.

ანტონმა აიღო თავი და ქანდაკების ნაკ-  
ვლად დაინახა უბრალო ფოსტის მსახური.

— მიიღეთ ტელეგრამა და ხელი მოაწერეთ.  
გაიმეორა ფოსტალიონმა.

— მხევეცი! წამოიძახა ობივატელოვმა. შენ  
როგორ ბედავ ხალხის მოტყუებას. იხახი „ტელე-  
გრამა“-ო, რომ იფიქრონ გასაჩხრეკათ მოდიანო;  
შენ კი, ეშმაკმა იცის შენი თავი, მართლა დეპეშა  
გქონია.

ფოსტალიონი გაოცებული შეპყურებდა ან-  
ტონს და ვერ გაეგო თუ საქმე რაში იყო.

კუთხეში კი მწარეთ ქვითინებდა მრავალ ტან-  
ჯული მეუღლე ანტონისა. ის იგლოვდა თავის სა-  
ქმროს წერილებს ტოლსტოის, ლერმონოვის.

მ ლ. დონ.

ძმაო ეშმაკო! იქნება  
„ჩახავა“ გაგიგონია?  
იმას თფილისის სადგურზე  
კობტა ბუფეტი ჰქონია.  
სხვა გამგენიც ბუფეტში  
„ჩახავებური“ ჰყოლია,  
ზნე-ქველობა და სიკეთე  
ერთსაც არ გამოაყოლია.  
რომ იხიზობოდეთ ტალახში,  
ფეხს ჩაკვრენ, შიგ ჩაგძირავენ...  
„ჩახავებურათ“ აღზრდილნი,  
„ჩახავებურათ“ სწირავენ.  
დიდ ბატონთ ფეხებს ულოკვენ,  
ჩაკვრენ თავიანთ მოძმესა,  
(მათი ამ-გვარი ზნეობა  
იქ უკვე დაუშოწმესა!)  
ან მოძმეს რათ იკადრებენ,—  
ემძიმებიან მიწასა,  
ყოყლოჩინობა სჩვევიათ  
როგორც კარგ მამლაყინწასა.  
რადგანაც გვსურს, არ გავრძელოდეს  
მათი ამ-გვარი სენია,  
აჩუქე შენი მათრახი!  
(მას ბევრი მოუტრჩენია!)

ორი ფარი.

დ ე ვ ე შ ე ბ ი.

(სამეგრელოს სააგენტო)

აბაშა. საშინლად მძინვარებს ავადმყოფობა  
„კატაობა“, რომელმაც ჯერ-ჯერობით მხოლოდ  
აბრამიას ცხენები \*) იმსხვერპლა. საქიროა ზომების  
მიღება.

საქილაო. მამა ისიდორეს მოჩვენებია, ვი-  
თომც ის დ. აბაშაში გადაეყვანონ, ჯაკობია შხებ-  
ში და ჩოჩია კოტიანეთში. სინამდვილის გასაგებათ  
ბლალღიჩინისათვის რაპორტით მიუმართავს.

ახალ სენაკი. შემნახველ-გამსესხებელმა ახა-  
ნაგობამ ენუქიძის კალთებში განუტრევა სული.

აბაშა. ბახუსი განაგრძობს ჩვეულებრივ წი-  
რვალოცვებს, რასაც ბახუსისტები აღტაცებით ეს-  
წერებიან.

ა. სენაკელ ნოქრის უსტარა ეშმაკისადმი.

ეშმაკო, დიდი ხანია  
რაც მსურს მოგწერო უსტარი!  
როგორც დაიწყებ, დუქანში  
მყისვე შემოდის მუშტარი!  
ამგვართ შრომა დიდი გვაქვს,  
ვინ გვაცლის მოსვენებას:  
დილიდან შუალამედი  
ვართ ხაზინის ნებასა  
გარჩევა აქ არ იციან:  
უქმე, საქმის-დღე ერთია.  
„დუქანში უნდა დაღბეთო“  
ამას გვიბრძანებს „ღმერთია.“  
ეურნალ გაზეთი ვინ ნახა!  
(საფრთხილო გასამხელია!)  
თუმც სამკითხველო არსებობს,  
მაგრამ რა ჩენი მშველია!?  
დუქანში დაგვიანება,  
არს სახიფათო, საშიშო,  
მთელი დღე უნდა ივაქრო,  
საღამოს იანგარიშო!  
ახლა შენა გთხოვთ, ეშმაკო,  
ჰკითხე ჩვენ ბატონ ბღებსა  
თუ ამ უზომო მუქარას  
ჩვენთან რათ გაასაღებსა.  
ჰა, ეხლაც მისი ფეხის ხმა  
მომესმა; მოდის, მგონია!  
ვსწყვეტ აქ ჩემს წერილს, თორემ  
თუ ნახა, დასაღონია.

ვასო.

\*) გასათვარი სენი ყოფილა! «კატაობა» ჰქვია და ცხე-  
ლებს კი მსხვერპლათ იწირავს! ეშმაკი.

გეშამენი სტრაჟნიკობის ღირსებამე.

ურიადნიკი. (მიმართავს სტრაჟნიკობის მსურველს). შენ რა სარწმუნოებისა ხარ?

სტრ. მსურველი. გაჰმამადიანებული ქრისტიანი გახლავარ, ბატონო!

ურიადნიკი. ეს მე ვერ გამოვიცა!

სტრ. მსურველი. უბრალო საქმეა, ბატონო! ქრისტეს სარწმუნოებას ვაღიარებ, მაგრამ ორი ცოლი კი მყავს.

ურიადნიკი. (იციანს, იციანს, კვდება სიცილით) ყოჩაღ! ყოჩაღ! მოხდენილი პასუხია. აბა ახლა ამისენი რას ნიშნავს: „მეუფეო ზეცათაო, ნუ გეშინის მცემელო!“ აბა, ნუ აჩქარდები.


სტრ. მსურველი. ეს უბრალო რამეა, ბატონო! როცა სტრაჟნიკი ვისმე სცეს, უფროსი ეუბნება: ნუ გეშინია მცემელო, სცემე რამდენიც გინდა ამისთვის პასუხს არავინ მოგთხოვსო.

ურიადნიკი. აი და ყოჩაღ! აბა ესეც ამისენი: „მოვედ ჩვენ შორის და წმინდა ყავნ სახლი ჩვენი“. კარგათ დაუფიქრდი!

სტრ. მსურველი. ამას რა დაფიქრება უნდა, ბატონო! მოდი ჩვენთან, ე. ი. სოფელში, და გასწვანდე ჩვენი სახლებიო. ეს თავას თავათ ცხადია. ესენი რომ არ ვიკლდე განა თქვენთან მოვიდოდი?!

ურიადნიკი. ჩინებულია, ჩინებული! შენ მიღებული ხარ!

—კა.



კ მ რ დ მ ვ შ ა.

ბათუმი. ბ. ეშმაკო! მოგხსენება, რომ ბათუმი ამ ჟამათ „სოუქ-სუს“ სასაფლაოს წარმოადგენს. აქ ყოლაფერს სძინავს. არ სძინავს მხოლოდ ორ მთავარ მთავარ კონდუქტორებს: ივლიანეს და იოსებს. ესენი ერთი-მეორეს ეჯიბრებიან, რომელიმე უფრო დავამციროთ ჩვენი ხელ-ქვეითი, დაბალი მუშა და მოსამსახურებო; ივლიანე, როგორც „დიდკაობაში“ გაცნობილი სკარბოზს იოსებს იოსები ამ გარემოებამ საგონებელში ჩაავლო; მოსალოდნელია მათ შორის დაუფი. სეკუნდატათ კალისტრატეს ასახულვებნ ვთხოვთ გამოუწეროთ თქვენი მიხედულებისამებრ უკვე ნაკადი საშვალეება „სპერმაკულინი“, თუმც ეს ძველი საშვალეებაა, მაგრამ

ძველს ღროში ეს საშვალეება ჩინებულათ მოქმედობდა მაგვარ ავათყოფებზე.

„გარეშე“.

წირილი რედაქციის მიმართ.

ბ. რედაქტორო!\*)

„მათრას. — სალაშურის“ № 13, სწერია: „აბრ. კვირკელია და ეს. ჟორდანია ციხეში ჩაჯდომით კი არ არიან იმდენათ უყმაყდილონი. იმათ აწუხებს ის გარამოება, რომ საქვეყნოთ თავი მოსტრეს და ხალხის მომხრეობა დასწაფეს-“ო.

აღამიანმა, რომ ადამიანს ცილი დასწაფოს, ის უნდა იყვეს ცოტათი მანც სიმარაოესთან დაახლოვებული, თუ ვიცემს იმ გვარ ცილს დასწაფებთ, რომ მისი ნაცნობი და დაახლოვებული არ დაგვიდასტურებენ, ამით მგონია ჩვენ ჩვენივე თავს გავაბუქებინებთ, ტყული ცილის დაწამებისათვის. სწორეთ ამგვარ დღეში უნდა იყვეს დღეს ის ჩემი ცილის დამწამებელი. რის საუთიოც ეს გახლავთ: მე ვინც კარგათ მიუნაზენ და ჩემთან დაახლოვებულნი არიან, იმათ კარგათაც კი იციან მე ხალხის მომხრეობას თუ სასიკცხო საქმეთ მივიჩენ.

დღეს მე უკუღმართობას ყველგან ვხედავ, და იმას მე ყველგან ვებრძვი როგორც შინ ისე გარეთ და ეს მოქმედება მე ხალხის უთანხმოებათ არ უნდა ჩამეწეროს. მსურს ერთი შეგაკითხოთ: ჩემმა ამ გვარმა საქციელმა თქვენ ასე რატომ გადაბრაზად. ხომ არ გაქ თქვენ თან დავა რაიმე უკუღმართობაზე? იუ დამიჯერებთ სიმართლე მიყვარს, რაშიც მართალი ხართ იმას კი არ წავართმევთ. მე ციხეს ნამდვილ არ ვსწუხდი. აბა მოიხსენეთ: მე იმას ვსწუხდი და დღესაც ვსწუხვარ რომ ჩვენ სულით ისე დავეცით და დავეძღურდით, რომ უკვე მოპოვებულ და ფარგალ შიგნით მომწყვდეულ ჩვენ უფლებებესაც ვეღარ ვიტევთ ვერ გვიკისრნია მის და დასაცველად კრინტი დაძვრათ და თუ რომელიმე ჩვენგანმა მოინდომა იმის დასაცავათ შებრძოლება, იმას ხომ იუდა გამცემლები შეგებოქავთ-ჩაეჭოლავთ და ჩაემსხვრევთ.

თქვენ, რომ იმათინ გეკიყინათ, ვინაც სიმართლე ჯაჯოხეთში ჩამატვრინ, ვინაც ხალხს შემოაქვდებელი ჯაღო გაუორკეცა. დღეს კიდე თქვენ მე მიკიყინებთ. მხოლოდ იცოდეთ ამნაირ თქვენ საქციელს ხალხი კარგა გაითვალწინებს.

ა. კვირკელია.


შემთხვევით დეშეშები.

ბ. ბ. ბ. სინამდვილეს მოკლებულია ხმები, ვითომც მღვალეი ნესტორს და ნიკო სასანიებს ბახუსინის ვაღვინით, ხობის „ბალნ-ც ს“ აქუშერკის ოთახში შეავარდნა განეზრახათ.

ახალ-სენა კი. ქვის სატეხი ქარხნის მუშებმა ერთხმად დადგინეს: ექესი დღე ქვა ვტეხოთ, ხოლო მეშვიდე დღეს, კვირას, ვიქვიფოთ ბატონი ქოქოსადის სამიკიტნოში. და ერთმანეთს თევები ვუტეხოთო.

\*) ეს წერილი იქვდება სრულიად უცვლელათ. რეღ.






ჩვენი ხეივანი

**დუმის თავმჯ. გუტკოვი** ბ-ნო ხომი-  
აკოვო, ვთხოვთ საგანსე ილიაპარაკოს.

**დებ. ხომიაკოვი.** დეპუტატო გუტკო-  
ვო, თქვენ არა გაქვთ უფლება შენიშვნა  
მისცეთ დუმის თავმჯდომარეს. ვიცხადებთ  
პირველ ვაფრთხილებას.



БЪЕРНСТЕРНЕ=БЪЕРНСОНЪ

ნორვეგიელთა მჭერალი.



მ ა რ კ ტ ვ ე ნ ი.

(ამ ლეგებში გარდაიცვალა.)

**ზიარნსტარნე ზიარნსონი.**

ამ ერთი კვირის წინეთ, ხანგრძლივისა და მძი-  
შე ავთომყოფობის შემდეგ გარდაიცვალა ცნობილი  
ნორვეგიელთა მჭერალი ბ. ბიერნსონი.

როდესაც რომელიმე უცხოელი მჭერლის სა-  
ხელი ჩვენამდეც მოაღწევს, პატივცემულო მკითხვე-  
ლო, სჩანს ის პართლაც შესანიშნავი და ყურადღე-  
ბის ღირსი ყოფილა. ბ. ბიერნსონიც საქმეც ეგრეთა:  
იმან კარგა ხანია მოიხვეჭა საერთაშორისო სახელი:  
ბ. ბიერნსონი დაიბადა 1832 წელს ნორვეგი-  
ის პატარა ქალაქ კვიენგში. როგორც ხედავთ ის  
უკვე 78 წლის მოხუცი ყოფილა, მაგრამ მიუხედა-  
ვთ ამისა, უკანასკნელ დრომდე ენერგიულ შრომას  
ეწეოდა.

უმაღლესი სასწავლებლის დამთავრების შემდეგ  
ბიერნსონი სასკენო ხელოვნებამ გაიტაცა და ჩინე-  
ბულათ შეისწავლა რეცისორობა.

1856 წელს დასწერა პან პირველი პიესა  
„ბრძოლითა შორის“, რომელიც იმ დროს სცენა-  
ზე არ მიიღეს და მხოლოდ რამოდენიმე წლების  
შემდეგ მოიპოვა სახელი. მიუხედავთ ამისა ბიერნ-  
სონი განაგრძობდა წერას, უმთავრესათ ნორვეგიელ  
გლეხთა ცხოვრებიდან ამ დროს დაწერილია მისი  
„არწივის ბუდე“, „მამა“ და რამოდენიმე წვრილი  
მოთხრობები და ლექსები.

1858 წელს ბ. ბიერნსონი დაინიშნა ქ. ქრის-  
ტიანის თეატრის დირექტორათ და ამ მხრივაც დი-  
დი სამსახური გაუწია ნორვეგიის სასკენო ხელოვ-  
ნებას. ამ ხანებში დასწერა მან „კოკლი გულდა“.

„მარია სტიუარტი“ და „ბოროტი სიგურდი“. მას შეუსრულდა მხოლოდ 30 წ. და უკვე ცნობილი იყო თავის სამშობლოს გარდაც. მაგრამ ამით თითქო შეჩერდა ბიერსონის მწერლური მოღვაწეობა. რამოდენიმე წლების განმავლობაში ის სდუმდა, თითქმის დავიწყების გზასაც დაადგა. მაგრამ აი. დაიწყო მეოთხმოცე წლები და ნორვეგიის განახლებულ ცხოვრებასთან ერთად, იმანაც განახლებულის ენერგიით დაიწყო მოქმედება. ამ ხანებში დასწერა მან „გაკოტრება“, „რედაქტორი“, სატირიული პიესა, რომელშიაც სასაცილოთ ივდებს სკანდინაველ ჟურნალისტებს. ამას ზედი-ზედ მოჰყვა: „მეფე“, „კაპიტანი მანსანა“, „ახალი სისტემა“, „ლეონარდა“, „ხელთათმანი“ და სხვ.

ბიერსონი ცნობილია, როგორც მწერალი, მასწავლებელი. უმთავრესი განზრახვა მისი იყო ნორვეგიელ ხალხში აღზრდა-განვითარება და ამ მხრივ მან მართლაც დიდი ნაყოფი გამოიღო.

**მედიცინური გასამართლება (მშურვეთში \*).**

(მოგვყავს მხოლოდ დამცველის სიტყვა და ისიც დიდს შემოკლებით).

**დამცველი.** ბნო მოსამართლენო და ნაფიცნო მსაჯულნო! მე არა მაქვს განზრახვა თქვენზე მქვევმეტყოველობით, ვადაქარბებითი შთავგნება მოვახდინო. არა! ჩემის აზრით თვით სახე ბრალდებულისა აშკარა სარკეს წარმოადგენს მისი სულიერი ვითარების გასაგებათ! შეხედეთ მის ფერმკრთალ, გახზლარ სახეს, დააცქერდით მის საშიშარ თვალებს, ჩაიხედეთ ამ თვალების მღვრიე სიღრმეში, ყურადღება მიაქციეთ მისი არსების კრთომა-კანკალს და თქვენთვის ნათელი იქნება ის არანორმალური სულიერი განწყობილება, რომელშიაც იმყოფება ბრალდებული, ცხოვრების უკუღმართობით დღეს ჩვილ ყრმათა აღმზრდელათ მოვლენილი.

ღიახ, პატივცემულნო მსაჯულნო და მოსამართლენო, ჩემი გამიზნული მიზანი მდგომარეობს არა იმაში, რომ დავამტკიცო ბრალდებულის უკოდველობა, მისი სამსახურში სივარგე, მისი ხელობის მის ზნეობასთან შეფერებულობა, არა და ათასჯერ არა! ასე შეუძლია ფიქრი რომელიმე ბიუროკრატიულ ვირთხას და ისიც ბებერს, მხოლოდ ჩემი განზრახვაა ბრალდებულის სულიერ ზნეობრივ მოშლილობას

ძირითადი მიზეზები გამოუნახო და მისი მოქმედება მისივე ნება სურვილის გარეშე დავაყენო (ტაში.)

თქვენ ყველას მოგეხსენებათ, თუ რა უბედურ ხანაში გვიხდებოდა ცხოვრება თანამედროვე ქართველებს და აგრეთვე მთელს კაცობრიობას. ეს არის გამძვინვარებული რეაქციის ხანა, როცა ჩვენი ბიუროკრატიული რეჟიმი...

**თავმჯდომარე.** ბნო დამცველო, გთხოვთ საგანს მედიცინურის მხრ-თ შეეხოთ და არა პოლიტიკურის, ვინაიდან მეც სამსახურის კაცი ვარ, გამიგებენ და ხომ იცით გამომაგდებენ. გთხოვთ!

**დამცველი.** ვეცდები, რამდენათაც კი შესაძლებელია არ გადავსცდე მსჯელობის საგანს. ამგვარათ ბნო მოსამართლენო და ნაფიცნო მსაჯულნო, ბრალდებულის მასწავლებლობა, მისი აღმზრდელობა, ორგანიულათ შეკავშირებულბი მის უსწავლელობასა, უზრდელობასა და აგრეთვე ფსიხიურ განქიქებასთან, რალაც დიდი და მიუტევებელი დანაშაულია. ამიტომაც არ მიკვირს პროტესტი ოზურგეთელ მოქალაქეთა და მით უმეტეს ფოსტის მოხელეთა, რომლებსაც ზე... ზე... ზე... ზე-კატური ყვირილი ბრალდებულისა სამსახურის ასრულებასაც კი უშლის. მაგრამ ვაცხადებ საჯაროთ და საყურადღებოთ, რომ ყოველივე ეს არ არის განზრახ ჩადენილი დანაშაული, არ წარმომდინარეობს მისი ნება-ყოფლობითი მოქმედებისაგან, არ არის დანაშაული გამიზნულ-მიზნობითი, არამედ არის ნაყოფი ავათმყოფი ინდივიდუმის უნებო მიდრეკილებისა და არც უნდა დაისაჯოს ეგზომ მძიმეთ, როგორაც ამას ბრალმდებელი მოითხოვს (ტაში.)

თუ ჩვენ არა გვსურს სასჯელი მხოლოდ შურისძიებისათვის ყრმათა დამახინჯების გამო, თუ ჩვენ ზერელე არ შევხედავთ ბრალდებულ მასწავლებლის „მოქმედებებს“, ანუ უკეთ ვსთქვათ, შეუზგებელ ნამოქმედარს, თუ ჩვენ ნათლათ შევისწავლით მის არა ნორმალურ ფსიხიურ მდგომარეობას, მაშინ აშკარა იქნება თქვენთვის, რომ ბრალდებულის ადგილი არის საავათმყოფო და არა საპყრობილე. (ხანგრძლივი ტაში).

ნაფიც მსაჯულთა განაჩენით ბრალდებულს მიესაჯა აღნიშნულ საავათმყოფოში გავზავნა, მაგრამ ვირთხები საქმის განსაჩივრებას ებირებიან სადაც ჯერ არს.

**ჯილენი.**



\*) მოდით ახლა და ნუ იტყვი: ჩვენი ხალხი წაბადკლობით ცხოვრობს! აქ „ლიტერატურული“ გასამართლება, იქ „მედიცინური“, აგერ კ'დე, (სარედაქციო ჩანთაში) „ზოლოჯიური“ გასამართლების რეცენზია გვაქვს შემდეგისათვის შემონახული; იმედი გვაქვს მოგვივა „ფიზიკური“ გასამართლება სათავადაზნაურო გიმნაზიიდან, „აგრონომიული“ გასამართლება, დეპუტატთა საკრებულოდან და ათასი სხვა.

ეშმაკი.

მათრახის ფოსტა.

სადმე. პროვინციელ კოლოს თქვენა გვთხოვთ: „ჩემი გვარი და სახელი, ან სად ვარ მასწავლებლათ, არ განაცხადოთ.“ ამა რაღა თხოვნა სჭირდა: განა რა საკადრისა თქვენი მასწავლებლობის საჭაროთ გამოცხადება!

თფილია. აკ. სირაძეს. ჩვენ არაფერს გისაუბრებთ, მაგრამ არ ვიცით ის „ახალგაზრდა ქერი“ რას გეტყვის ასეთი „სდვენისათვის“:

„შე! განუსჯილო  
შბედურთ შვილო  
შბედურებით ცუდ დროს შობილო...  
შკანასკნელი  
და უმეტრებით.

შენ თვის შვილებით არ დაწუბილო...“

უმეტრებით აიხსნება აგრეთვე თქვენი აკროსტიხი!

სადმე. სამსონ რუსიაშვილს.

„გაზაფხულდა ტყე-ამწვანდა,  
ფთიოლს ისხმს ზურმუხტისა  
სასიამო ნიავი ჰბერს  
არე მარეს დადუმოლს.“

სამწუხაროთ ეს ისე გავს „გურიის ცხარეებს“, როგორც თქვენ ზოგის.

თელავი. რუის-პირელს. გამოცანებს უთუოდ ახსნა განმარტებაც თან უნდა ახლდეს.

ხონი. მუხის-ძირელს. ხაივებუდი ლექსია თქვენი „გამოცანისათ არსება.“!

„ვერ ვიხსენი მტრისაგან  
ჩემი სატრფო ნეტარი,  
ერთი მითქარ გენაცვა  
სამართალი სად არი?“

უნდა სამართლი „ვითქარათ“, რომ თქვენი სატრფო მტრის ხელში მართლაც უფრო ნეტარი იქნება და რაღა სჭირდა მის დასახსნელათ ასეთი „მითქარისი“ ლექსების წერა?

ხონი. თხაკალიაშვილს. ჩვენ ღვარ გვეგონა თუ ცოცხალი იყავით! სხანს თქვენს ფსევდონიმს არ ახსოვრდებოთ. თვით მეგლეღობა ახლა ხშირი მოგვინა შეიქნა აბაშა, ნერგს. ვერ გავარჩიეთ ნაწერი.

იეიდება „შრომის“ სტამბაში

და აგრეთვე გაეცხანებთ მსურველთ:

1909 წლის „ალმანახები“ 7 ნომერი

და „მათრახი და სალაპური“ 29 ნომერი

ერთად შეკრული . . . . . 2—50 კ.

წელიწადი 1910 წლისათვის მ. მ. რ. ა.

გიორგი ბაქაძის მოწვევა

უთვლ-კვირულ იუმორისტულ ჟურნალზე



სალაპური და

ე წყ ამ თავიდახ გამოიწერს ჟურნალს და მთელი წლის ფასს შემოიკანს, ავეის-ტოს პირველ რიყხებშ ჟურნალთან ერთათ

პრემიათ გააბჯავნება

ახალი პრემული


ჟურნალი წლიურათ ღირს 5 მ. თვიურათ 50 კ. ცალკე ნომერი 10 კ.

ფულის გამოსაგზავნი ადრესი: Тифлисъ, Типографія Т-ва „Шрома,

Василию Карамановичу Болквადзе.

# Ի՞նչ ընդհանուր է ձեր հետ և ինչ է ձեր համարը:

(ընթացիկում հայկական ժողովուրդի մասին)



Վառձեմա

Գլխիկ: Երբեք էլ չպիտի ընդհանրացնես ինչ-որ մեկին ընդհանուր հատկություններով: Ինչպես չես կարողանում անհատականացնել ինչ-որ մեկին:



Գ. Նյուտոնը չէր ընդհանրացնում:

## Երբեք էլ չպիտի ընդհանրացնես ինչ-որ մեկին!




Ինչ էլ չես կարողանում ընդհանրացնել ինչ-որ մեկին: Ինչպես չես կարողանում անհատականացնել ինչ-որ մեկին:

Գլխիկ: Երբեք էլ չպիտի ընդհանրացնես ինչ-որ մեկին: Ինչպես չես կարողանում անհատականացնել ինչ-որ մեկին:



## Մեծագույն քաղաքը:



— Ե՛հ, չես տեսնում, որ դու չես կարողանում ընդհանրացնել ինչ-որ մեկին: Ինչպես չես կարողանում անհատականացնել ինչ-որ մեկին: (x)

(x) Երբեք էլ չպիտի ընդհանրացնես ինչ-որ մեկին: Ինչպես չես կարողանում անհատականացնել ինչ-որ մեկին:

Ինչ էլ չես կարողանում ընդհանրացնել ինչ-որ մեկին: Ինչպես չես կարողանում անհատականացնել ինչ-որ մեկին:

Գ. Նյուտոնը չէր ընդհանրացնում: Ինչպես չես կարողանում անհատականացնել ինչ-որ մեկին: